

雄王  
娶嫗姬。生百男。以國土分封。是  
爲百粵之祖。其長爲雄王。嗣君  
位。今日我國人民皆其苗裔也。  
貉龍君之長子。分國爲十五部。  
稱文郎國。十八世皆號雄王。

5646



按鴻臚氏。凡二十君。共二千六百二十二年。爲蜀安陽王所滅。凡五十年。趙佗滅蜀。是爲趙武帝。傳五世。凡九十七年。趙爲漢武帝所滅。而我國土。併爲漢郡縣矣。



徵女王

姓徵諱側。貉將之女。辰交趾太  
守蘇定貪殘。殺其夫王。乃與妹  
貳起兵攻之。逐定北還。略定嶺  
南六十餘城。建國自立爲王。都  
麋冷。今福安我國獨立自王始。



可謂女中第一英雄。

前李南帝

姓李名賁。太平人。憤梁刺史蕭

諮暴刻。起兵逐之。破林邑。稱南

越帝。建元天德。國號萬春。

吳王權



唐林人。

今山西福壽

有智勇。楊廷藝

牙將也。

藝爲矯公羨所殺。王自

愛州起兵討之。羨求援於南漢。

漢主遣其子弘操來侵。王大破

於白藤江。誅羨。擒弘操。乃卽王

位。都螺城。國號吳。我南丁黎以



後。爲獨立國。肇端於此。

丁先皇

花閭人。

今寧平

幼有大志。與兒童

戲。必命以蘆花前導。別村兒童

皆服之。及長起兵。每戰必克。號

萬勝王。平十二使君。卽帝位。都



花閣分國爲十道。建元太平。國  
號大瞿越。爲我國帝統獨立之  
始。傳二世。凡十三年。

黎大行

諱桓。青廉人。爲丁十道將軍。宋  
師來侵。領兵拒戰。眾擁立之。遂



稱帝。伐宋平占。中外震懾。改置  
州府。鑄天福錢。浚海港。開陸道。  
公私便之。傳三世。凡二十九年。

李太祖

諱公蘊。北寧人。爲黎指揮使。眾  
心推戴。擁立爲帝。都昇龍。寬田



畝。制賦役。平占城。破南詔。擊大

元。歷。

蠻清

名國

今欽

州屬

功業赫然。傳八

世。凡二百十六年。

太尊。

通文武大畧。平驩冠。誅儂存福。

破占城。斬朱斗。武功震薄。勸農



畝。制賦役。平占城。破南詔。擊大

元。歷。

蠻名。清國。

欽州屬。

功業赫然。傳八

世。凡二百十六年。

太尊。

通文武大畧。平驩寇。誅儂存福。  
破占城。斬乍斗。武功震薄。勸農



聖尊。

耕籍。伸冤制律。爲繼體賢君。

改國號大越。制朝服。定軍號。甚

有節制。宋人倣而行之。北破筓

廣。南平占城。始有布政。臨平明

靈三州之地。初立文廟。塑聖賢



仁尊

像。今河內文廟。自李聖尊始也。  
命李常傑伐宋。陷欽廉邕三州。  
破占城。復侵地。以三場試士。築  
機舍河堤。我國試法河堤皆始  
於此。



陳太尊。

南定人。受昶皇禪。破占城。退蒙  
古。分諸路。定丁田稅。築鼎耳堤。  
以三甲試太學生。分爲京寨狀  
元。傳十四世。凡一百八十四年。

聖尊



辰元人來議疆事。欲啓兵端。帝  
不屈。揀軍習水戰。諸軍皆刺殺  
韃二字于臂。以防元寇。命黎文  
休修大越史。自趙至李。凡三十  
卷。

仁尊



辰元人以兵五十萬來侵。帝會王侯及民間父老議攻守之策。以陳國峻節制諸軍。大破元兵。於烏馬兒。元寇既平。又伐哀牢克之。我國民議始見於此。

黎太祖



諱利。藍山人。辰明人。郡縣我地。  
帝有扒亂之志。務攬豪傑。明人  
誘以官爵。拒之曰。丈夫生世。當  
濟大難。立大功。流芳千載。安能  
爲他人役乎。乃起兵于藍山。稱  
平定王。明人使沐晟柳昇來侵。



帝與戰大破之。斬柳昇。沐晟遁走。王通乞和。引兵北歸。十年之間。天下大定。興學校。鑄錢幣。試明經。開宏詞。爲我南第一英雄之主。傳二十六世。凡三百五十七年。



太尊

始置進士科。立題名碑。

聖尊

伐老撾。討盆蠻。寧今鎮親征占城。

閱武課農。令諸路文廟祭用春  
秋二丁。禁民間喪禮燕客。禁居



喪嫁娶。修國史。撰天南餘暇集。  
琮苑九歌。選文臣二十八人。號  
二十八宿。自爲騷壇元帥。可謂  
太平有道之主矣。

本朝

太祖高皇帝



帝憤西山之虐。誓報國仇。三起  
兵。乃克復嘉定。進復富春。定北  
河。俘西山主阮光纘。天下大定。  
改國號越南。紀元嘉隆。以嘉定  
昇龍爲南北兩圻總鎮。築城郭。  
建郊廟。修學校。定刑律。武功文



德。丁先皇黎太祖。何以加焉。在  
位十八年。

聖祖仁皇帝

取高蠻。置鎮西城。平僞懷逆。鏖  
之亂。分設諸省。定官制。修軍令。  
頒政要。開科取士。粉飾太平。賞



罰嚴明。真英明之主也。

憲祖章皇帝

定蠻渠。破暹兵。封高蠻國王。政  
事修舉。恪守前規。海內寧謐。守  
成之令主也。在位七年。

翼尊英皇帝



帝好文學。重儒臣。製官箴。宣教  
條。深以釐士習。正人心爲計。甲  
寅而後。盜賊繼起。命將出師。次  
第削平。辛酉。法國兵船初抵南  
圻。使潘清簡議和。割嘉定六省。  
癸酉。北圻四城失守。命阮文祥



爲全權。再定和約。在位三十六  
年。恤民體臣。號稱寬仁之主。

歷代英雄

趙姬

九真化今清

女子。辰我國地。屬東

吳。姬起兵。據象頭。與孫權拒戰。



屢敗吳兵。吳人畏之。號爲麗海。  
娑王。亦我國女中之傑也。

趙越王

諱光。復朱爲人。今永祥。爲李南帝

左將。南帝退居屈獠。委守國。與  
梁將陳伯先相持。後退保夜澤。



南帝薨。乃稱王。有龍爪堯鑿。用  
以擊賊。梁師潰。遂入居龍編。與  
後李南帝講和。許其子雅郎爲  
壻。居烏鳶城。今下雅郎潛易鑿  
爪。辭歸。南帝舉兵攻之。王南走。  
投大安海口。今有祠。



梅黑帝

枚叔鸞驩州人。唐辰置都護。賦役繁重。民不堪命。鸞起兵。據驩州。號黑帝。

布蓋大王

馮興唐林人。家豪富。唐都護高



正平重飲。乃起兵圍攻府治。正

平以憂死。眾尊興爲布蓋大王。

我國古俗稱父曰市。母曰蓋。故以爲號。

曲先主

名承裕。下洪。江今寧人。有雄才。憤

唐都護之虐。自稱爲節度。子承



顓繼襲。定各路府縣社。置令長。  
均田租。造戶籍。政尚寬簡。民獲  
蘇息。傳三世。凡十三年。

西山

阮惠歸仁。西山寨人。有文武才。  
與其兄岳起兵。抗我本朝。自廣



南至平順。皆爲所據。辰鄭主森。  
遣黃五福將兵取富春城。我睿  
尊奔嘉定。惠攻嘉定。取之。會鄭  
森卒。其子爭立。惠用阮有整之  
策。攻取富春。進兵昇龍。以扶黎  
滅鄭爲名。逐鄭楷。謁黎顯尊。引



兵南歸。稱北平王。顯尊崩。愍帝立。璽當國。惠聞之。復進兵攻臨昇龍。璽奉愍帝出奔。惠追殺璽。留其子守昇龍。返回富春。愍帝以清兵八昇龍。惠聞報大怒。遂稱帝。建元光中。自將討清兵。長



驅而出。斬其將許世亨。岑宜棟等。統將孫士毅。倉皇此走。過珥河。清兵溺死太半。既破清兵。定都昇龍。改爲北城。清帝欲息兵端。乃封爲安南國王。後復回富春。積穀儲兵。爲恢復兩廣之計。



未遂而沒。惟冒犯陵寢。得罪於  
本朝。然亦可謂曠世之英雄也。

歷代名臣

李

黎奉曉

愛州人。有奇勇。事李太祖。爲武



衛將軍。太祖崩。三王構變。奉曉  
出戰。殺武德王。奉太尊即位。太  
尊勞之曰。吾克荷先帝之丕基。  
全父母之遺體。卿之力也。後從  
太尊征占。爲前鋒。大破虜軍。名  
震藩國。不欲爵賞。詔以冰山田



千畝給之。

李常傑

昇龍人。侍李太尊。爲黃門官。聖

尊拜太保。授節鉞。征占有功。仁

尊伐宋。公領兵進攻欽廉二州

陷之。斬廣西都監張守節。屠筰



州。提重兵八客地。宋兵懾不敢  
動。爲古今武功第一。歷事三朝。  
敗宋平占。勲望爲諸臣冠。封越  
國公。蘇憲誠  
少有文武才畧。事李英尊。官太



傳。破牛吼。哀牢。有功。受遺詔。抱  
太子龍輪。攝政。黎后欲立。故太  
子龍祖。以金賂。諭之。百端不從。  
高尊即位。拜太尉。領禁兵。天下  
歸心。以元臣受重寄。盡心竭誠。  
善處變故。不愧古大臣之風。



陳

陳國峻

陳朝安生王子。文武全才。元峻  
都脫驩。領兵五十萬來侵。仁尊  
封爲國公。節度諸軍。斬峻都。襲  
脫驩。元人大潰。重興二年。元人



又八冠。公戰破于白藤江。擒烏  
馬兒。兩破元兵。勲烈蓋世。封興  
道大王。  
范五老。  
唐豪人。才氣絕倫。出身戎行。頗  
好讀書。興道王薦之。屢破哀牢。



占城有大功。拜闕內侯。治軍有  
紀律。待將校如家人。與士卒同  
甘苦。故所至無敵。爲第一良將。  
云。

朱文安

清潭人。性剛介。不求利達。居家



讀書。學業精醇。遠近聞名。就學者眾。成達者多。陳明尊以道學。徵拜國子監司業。裕尊怠政。群臣多不法。先生諫不聽。乃上疏請斬佞臣七人。掛冠歸田里。天下高其風節。寔爲我國名儒之



首。

黎景詢

慕澤人。少有志氣。與裴伯耆善。

陳末季。聲簋位。勸耆如燕。乞師

伐胡。明遣張輔。沐晟。黃福。分道

而來。拊胡父子。送北京。明人授



者參議。詢上萬言于者。勸以乞  
封陳氏爲上策。明人得書。捕送  
燕京。明主詰之曰。汝勸伯者陰  
謀不軌。何也。公曰。南人志在南  
國。犬噬非其主。何問焉。明主怒。  
送金陵。五年病卒。



阮 鷹 黎

上福人。弱冠以文章鳴世。經史  
百家及兵書。無不淹貫。父飛卿。  
胡末爲明兵所獲。解送燕京。泣  
隨至南關。父顧謂曰。汝歸爲我



復讐。是大孝也。何乃效兒女之  
眷戀。爲公拜別。刻志滅明。聞黎  
太祖起義藍山。潛入清化求之。  
獻平吳策。誓雪讐恥。太祖置諸  
左右。參謀帷幄。凡與明人往復  
文書。皆出其手。帝既放明人還



國公奉撰平吳大誥。至今傳誦。  
爲黎家開國第一功臣。所著有  
抑齋詩集。安南禹貢。旣雪國恥。  
又復父讐。此忠孝之大者。

丁

列

人。

藍山

阮

熾

人。

真福

同事黎太祖。斬柳昇。擒崔聚黃。



福。蕩平明寇。爲開國元勳。諒山  
王弒逆。二公謀誅之。迎立聖尊。  
再爲中興第一功臣。歷事四朝。  
位望巍然。朝野倚重。及卒。列追  
贈穆王。熾追贈崗國公。封福神。  
裴東淵



青池人。學問博洽。預贊戎機。多有勲勞。封宣力功臣。黎世尊通。好求封明。受莫賄。詰問真偽。公奉命對質。無所阻撓。又進本國附戴舊主表文。其當國重用如此。壽九十五。性清介。家無餘財。



男七人。四侯爵。三郡公。裴輝壁其遠孫也。

丁文左

錦江人。以善射授武職。屢立戰功。景治間。討平莫逆。論功第一。會敬字乞清帝據高平。復命公



進討。破之。略定四州而還。勇略  
過人。所至克捷。稱爲一辰名將。  
其後子孫繼世爲將。有邯江討  
賊之稱云。

阮秉謙

永賴人。周歲能言。四歲母誨以



經傳正義。即能口誦。受業梁榜。  
眼得朋。授太乙神經。莫氏得國。  
四方漸平。公推占。黎氏再興。當  
在數十年後。四十四歲。就鄉試。  
中解元。會試第一。廷對擢狀元。  
官東閣大學士。疏劾弄臣十八。



人請誅之。謝事歸田。起白雲庵。  
莫事以師禮。每詢以國家大計。  
公曰。他日有故。高平雖小。可延  
數世。後莫亡。退保高平。垂七十  
年。其言神驗如此。

鄭檢



清化槩山人。少辰貧乏。勇力過人。往從本朝先公肇祖。公奇之。妻以女。多有戰功。封侯爵。遣八哀牢迎莊尊。立爲帝。拜大將。先公薨。代領兵權。屢破莫兵。爲中興功臣。歷莊尊中尊英尊三朝。



攬政二十五年。及卒。子檜代之。  
是爲鄭氏之祖。

范廷重

海陽人。八歲啓蒙。即貫詩律。及  
長。文章雄偉。舉進士。景興初。官  
副都御史。尋出爲協鎮。討黠賊。



阮有求。累立戰功。求奔义安。捉  
獲。檻送京師。尋奉命爲义安督  
率。境內帖然。儒流名將。勲業之  
奇。近代所未有云。

阮直

青威人。十二歲能文。十八歲領



鄉薦。二十歲登黎太尊壬戌科  
一甲進士第一名。爲開國狀元。  
奉北使應舉。明人又賜及第。世  
稱兩國狀元。丁艱回籍。士夫從  
學以千數。當世重之。  
阮泰拔。



錦江人。登光紹進士。仕至翰林院。莫簣。托盲疾。請近前對事。因罵唾登庸面。以頭觸殿階而死。中興表節義。封福神。

黎個

黎慙帝出奔。個從亡。清福康安。



受阮惠賂。納其使。給帝改裝。召  
諸臣八燕。令個薙髮。個曰。頭可  
斷。髮不可斷。清帝誘之不從。嗣  
德御製歌。稱長派侯髮。

黎貴惇

興安人。五歲能讀書。十二歲盡



通經史。顯尊辰。自鄉舉至廷對。  
皆第一。官至協鎮。潁郡公。奉北  
使。所著述甚多。有群書考辨。芸  
臺類語行世。

本朝

陶維慈



清化人有文武才畧。爲我  
太祖內贊。管軍機。參國政。築長壘。  
自日麗海口。至兜鍪山。爲南北  
大扼塞處。又立閱選法。以揀丁  
壯。行考試法。以收人才。輔政八  
年。勲業彪炳。爲本朝開國功臣。



之冠云。

阮有進

清化人。陶維慈薦於熙尊。累官

掌竒。破鄭兵。據有乂安七縣之

地。與鄭阻藍江相拒。固邊備。立

戰功。北河號爲虎威大將。



阮有鎰

清化人。參將阮朝文之子。明達  
有才畧。初以文職監戰。累破鄭  
兵。及爲將。屢建大謀。所向克捷。  
人倚爲重。比之孔明伯溫云。

武尊性



嘉定人。智勇絕倫。官平西大將。從高皇征歸仁。斬僞都督。降其城。與吳從周留鎮。僞少傅耀司徒勇率兵圍城。性撓城固守。至二年餘。大兵赴援。與城相持。性密表請以富春易性一命。帝



進克富春。報入城中。辰城被圍。  
久。糧盡力竭。勢不能支。從周先  
飲藥死。性令以火藥納入舟樓。  
具朝服。望闕拜。登樓自焚。其屬  
阮進暄亦投火林以殉。

阮文誠



承天人。有文武才。從世祖艱  
難。累遷前軍平西大將。臨陣用  
兵。謀而後戰。鎮延慶。破海匪。縻  
僞耀。僞勇於平定。使大軍乘虛  
進克富春。破西山。定北河。出鎮  
昇龍。爲北圻總鎮。盜賊以寧。



黎文悅

廣義人。精悍有才力。以太監募  
兵。從援平定。攻破施耐海屯。進  
克富春。復董大兵。扈駕出定北  
河。既告武成。奉鎮嘉定。協同暹  
將。調度真臘事宜。尋命經理石



璧惡蠻。清平通寇。與阮文誠爲  
開國功臣。

陳公憲

廣義人。募義從軍。累破西賊。以  
正統行海陽鎮守。勦捕通寇。招  
撫流民。因颶害。轄民患饑。立賑



濟堂於鎮門。全活甚眾。又於永  
賴四岐。設堰以禦鹹水。得夏田  
八千餘畝。民便之。號陳公堰。  
鄭懷德  
嘉定人。學問博洽。嘉隆年間。以  
功臣總鎮嘉定。聖祖即位。領



吏戶二部軍國要務多所贊襄。  
卒贈勤政殿大學士。兩朝簡眷。  
爲一代名臣云。所著有嘉定通  
志。  
張登桂  
廣義人。舉人。累官勤政殿大學



尹蘊。士。顧命良臣。加太保。晉封綏盛  
郡公。歷事三朝。以勲舊稱。

太平人。舉人。累官河安總督。以  
平定鎮西城。晉封智勇將軍。綏  
靖子爵。



阮公著

又安人。舉人。嘗隨軍捕務。鎮西  
城。後充營田使。疆理海墾。于南  
定寧平地方。募民墾田立邑。置  
錢海金山二縣。閭井溝洫之法。  
一依井田。生聚日眾。今爲殷富



轄民。人歌頌之。

張國用

又安人。進士。官刑部尚書。嗣德

壬戌。海寇爲梗。充協統。出征廣

安。軍陷。殉節。所著有退食記聞

集。



阮知方

承天人。吏典出身。累陞武顯殿  
大學士。嘗協同尹蘊經理鎮西。  
又充南北兩圻節制軍事。癸酉。  
法兵進昇龍城。子駙馬死陣。公  
不食死。其弟維。進士亦先殉節于



嘉定軍次。一家三忠。

黃耀

廣南人。副榜。有廉直名。嗣德壬午。總督河寧。法兵攻城。守之不克。殉節。

僭竊。



胡季犛

陳藝尊辰。以外戚得寵。令畫四  
輔圖。賜季犛。托以幼孤。後季犛  
弑順尊。廢少帝。稱帝。改元。尋傳  
位於其子漢蒼。自稱太上皇。遣  
使如明。割祿平州。三十八社。五



十九村以賂之。詐稱陳氏已絕。  
乞以外甥權理國事。明帝封漢  
蒼爲安南國王。陳添平詣燕。詐  
稱藝尊子。乞師致討。明遣韓觀  
等送歸國。胡兵迎戰殺之。明帝  
怒。復遣張輔等分道來侵。於季



聲父子改安南爲交趾。設三司。  
自此我南又爲明人占據。誅求  
殺戮。生靈塗炭。凡十四年。

莫登庸

宜陽古齊人。陳狀元莫挺之七  
世孫也。有勇力。試中都力士。黎



威穆帝以爲指揮使。封武川伯。  
擅權專橫。弑昭尊。篡位。居昇龍  
城。改元明德。傳子登瀛。改元大  
正。我朝  
肇祖靖皇帝。徧求得昭尊少子寧。  
立爲帝。即位于哀牢。以圖恢復。



遣使如明求援。明遣仇鸞毛伯溫討之。登庸賂以安廣廣源州五峯之地。詣明軍乞降。明帝許之。封爲安南都統使。仍與世襲。登瀛死。傳至孫茂洽。據昇龍。潛位凡五世。六十六年。後其黨敬



恭走據高平。私傳敬寬敬宇。又  
六十二年。至黎熙尊世。而莫氏  
滅矣。

權臣

鄭松

鄭檢次子也。檢卒。其長子檜代



領兵權。松以次子爭立。引兵相  
拒。檜弗敵。降于莫。松因襲封。兵  
權盡歸掌握。松既克復昇龍。矜  
莫茂洽恃功專橫。英尊與黎及  
第謀誅之。及第反爲所殺。英尊  
惶恐。與四子奔乂安。松乃立英



尊第五子。爲黎世尊。

後使人逼殺英尊。

進都元帥總國政。尚父安平王。

開府置官。國家事權一歸王府。

惟置一千社。爲上進祿。兵五千。

象七匹。舟二十。爲宿衛耳。鄭氏

世襲自松始。傳十二世。至槿而



鄭 亡。

松卒。子枹嗣王位。自爲清都王。  
僭稱誼王。明封爲副國王。伐高  
平。誅莫敬恭。敬寬降。莫逆既平。  
屢欲生事南陲。我朝先主拒之。



更以不利引還。二子櫟杗作亂。  
杗誅之。

鄭杗

自爲西定王。僭稱陽王。踰僭無  
忌。八朝不拜。章奏不名。設座於  
御座之側。



鄭根

柞之子。自爲定南王。僭稱康王。

鄭桐

根之曾孫。自爲安都王。僭稱仁王。建府于古碑。桐自佛跡還。將幸古碑。途中得暴疾卒。次年河



決宮室毀壞。

鄭杠

桐之子。自爲威南王。僭稱順王。  
踰僭無忌。多殺大臣。廢黎帝維  
紡縊之。而立其弟懿尊。密使阮  
卓倫陳文煥。假稱清使。來封杠



爲安南上王。性畏雷。穴地居之。

鄭楹

杠之弟。自爲明都王。僭稱恩王。有文武才。辰鄭杠穴居。阮貴慈擁立之。去積弊。頒新令。人情大悅。用黃五福范廷重。討黠賊阮



有求阮名芳。一日生獲二渠。大  
享軍士。使名芳行酒。有求吹竽。  
以爲快事。

鄭森

楹之子。自爲靖都王。僭稱盛王。  
幽殺黎太子維緯。遣黃五福引



兵八南陲。聲言除權臣張福。巒。襲取富春城。森寵鄧妃。廢長子楷。而立少子榘。眾心不服。森卒。三府兵廢榘。擁立鄭楷。森之子。自爲端南王。僭稱靈王。



楷以三府兵擁立。驕兵不可復制。及阮惠從阮有整計。大舉北出。以扶黎滅鄭爲名。楷潰走。被

於。

鄭  
樾

稱晏都王。阮惠南歸。鄭棣自文



江來襲王位。黎帝以不請命詰之。槿在彰德歸朝。逐棣北走。要請襲封爲晏都王。辰黎帝召阮有整八衛。槿爲整攻破。遁走。不知所終。鄭氏亡。

段展奉草